

## JUZ X

41. Namen ba sebeneane jano bae da dapet udi ulieak kunei rampasan perang, mako sebeneane seperlemo utuk Allah, rasul, kerabat rasul, anak-anok yatim, tun-tun miskin, dan ibnu sabil. Amen udi berimen ngen Allah *dan* ngen jano da Keme temu-un ngen hamba Keme (Muhammad) neak bilai furqon, neak bilai betemaune duwai pasukan. *Dan* paling kuaso neak das kute-kutene.
- ﴿ وَأَعْلَمُوا أَنَّمَا غَنِمْتُمْ مِّن شَيْءٍ فَإِنَّ لِلَّهِ خُمُسَهُ ۖ وَلِلرَّسُولِ وَلِذِي الْقُرْبَىٰ وَالْيَتَامَىٰ وَالْمَسْكِينِ وَابْنِ السَّبِيلِ إِن كُنْتُمْ ءَامَنْتُمْ بِاللَّهِ وَمَا أَنْزَلْنَا عَلَىٰ عَبْدِنَا يَوْمَ الْفُرْقَانِ يَوْمَ التَّقَىٰ أَجْمَعِينَ ۗ وَاللَّهُ عَلَىٰ كُلِّ شَيْءٍ قَدِيرٌ ﴿٤١﴾
42. (Dio ba neak bilai) idong udi ade neak pengger jurang da pa-ok *dan* si ade neak penggerjurang da u-ak sedang kafilah-o ade neak beak udi. Sekirone udi menea persetujuan (utuk temtau bilai perang) pasetba udi coa sepaham lem temtau bilai perang-o, tapi (Allah temau duwai pasukan-o) buliak Si kemrejo suatu urusan da harus kenrejo, yoba buliak tun da binaso-o binasone ngen keterangan da nyato, *dan* buliak tun da idup-o idupne ngen keterangan da nyato (kulo), sebeneane Allah Paling Meni-uk kulo **P a l i n g L e b i a k N a m e n .**
- إِذْ أَنْتُمْ بِالْعُدْوَةِ الدُّنْيَا وَهُمْ بِالْعُدْوَةِ الْقُصْوَىٰ وَالرَّكْبُ أَسْفَلَ مِنكُمْ ۚ وَلَوْ تَوَاعَدْتُمْ لَا خْتَلَفْتُمْ فِي الْمِيعَادِ ۗ وَلَٰكِن لِّيَقْضِيَ اللَّهُ أَمْرًا ۖ كَانَ مَفْعُولًا لِّيَهْلِكَ مَن هَلَكَ عَن بَيِّنَةٍ ۖ وَيَحْيَىٰ مَن حَيَّ ۖ عَن بَيِّنَةٍ ۗ وَإِنَّ اللَّهَ لَسَمِيعٌ عَلِيمٌ ﴿٤٢﴾
43. Idong Allah kemten si ngen udi neak lem mipainu (bejumlah) didik ngen sekirone Allah kemten si ngen udi (bejumlah) dau paset udi ijai gemtea dan paset bae lok bedebat lem urusan-o, tapi Allah sudo semlamat udi. Sebeneane Allah Paling Namen kute isai ate.
- إِذْ يُرِيكُهُمُ اللَّهُ فِي مَنَامِكَ قَلِيلًا ۗ وَلَوْ أَرَنْكَهَمْ كَثِيرًا لَّفَشِلْتُمْ وَتَنَزَعْتُمْ فِي الْأَمْرِ وَلَٰكِنَّ اللَّهَ سَلَّمَ ۗ إِنَّهُ عَلِيمٌ بِذَاتِ الصُّدُورِ ﴿٤٣﴾
44. Dan idong Allah kemten si ngen udi kutene, idong udi temau ngen si bejumlah didik pado ngeliak mataeinu *dan* udi kemten-ne bejumlah didik pada ngeliak matai si kerno Allah lok tentau suatu urusan da harus kenrejo. *Dan* ngen Allah ba neleak kute urusan.
- وَإِذْ يُرِيكُمُوهُمْ إِذِ التَّفَيُّتُمْ فِي أَعْيُنِكُمْ قَلِيلًا وَيُقَلِّلُكُمْ فِي أَعْيُنِهِمْ لِيَقْضِيَ اللَّهُ أَمْرًا ۖ كَانَ مَفْعُولًا ۗ وَإِلَى اللَّهِ تُرْجَعُ الْأُمُورُ ﴿٤٤﴾

45. Hoi tun-tun da beimen amen udi semrang pasukan (musuak) mako teguak-ba atei udi *dan* ucep ba (gen) Allah da dau-dau buliak udi beutung.
- يَتَأْتِيهَا الَّذِينَ ءَامَنُوا إِذَا لَقِيتُمْ فِئَةً فَاثْبُتُوا  
وَأَذْكُرُوا اللَّهَ كَثِيرًا لَّعَلَّكُمْ تُفْلِحُونَ ﴿٤٥﴾
46. *Dan* ta'at ba ngen Allah ngen rasul-Ne *dan* jibeak-ba udi bedebat da sembab udi ijai gemtea ngen laput kekuatan-nu, besabar-ba. Sebeneane Allah berpok tun-tun da sabar.
- وَأَطِيعُوا اللَّهَ وَرَسُولَهُ وَلَا تَنَازَعُوا فَتَفْشَلُوا  
وَتَذْهَبَ رِجَالُكُمْ وَأَصْبِرُوا ۚ إِنَّ اللَّهَ مَعَ  
الصَّابِرِينَ ﴿٤٦﴾
47. *Dan* jibeakba udi ijai awei tun-tun da kelua kune sade-ne ngen asai ombong ngen maksud riya ngen manusio kulo menghalang (tun) kunei dalen Allah. *Dan* ( ilmau) Allah meliputi jano da si k e m r e j o .
- وَلَا تَكُونُوا كَالَّذِينَ خَرَجُوا مِنْ دِيَارِهِمْ بَطْرًا  
وَرِثَاءَ النَّاسِ وَيَصُدُّونَ عَنْ سَبِيلِ اللَّهِ ۚ وَاللَّهُ  
بِمَا يَعْمَلُونَ مُحِيطٌ ﴿٤٧﴾
48. *Dan* idong setan menea si mandang baik kerjo si ngen madeak coa ade do manusio da dapet menang adep udi pado bilai-yo, *dan* sebenea-ne uku yo ba pelindung-nu. Mako idong keduai pasukan-o sudo dapet sekliak, setan-o belek moi belakang samo miling : sebeneane uku lepas kune udi; sebeneane uku dapet kemliak jano da udi kute coa dapet kemliak, sebeneane uku saben ngen Allah. *Dan* Allah kemiaik gis sikso-Ne.
- وَإِذْ زَيْنَ لَهُمُ الشَّيْطَانُ أَعْمَلَهُمْ وَقَالَ لَا غَالِبَ  
لَكُمْ آلْيَوْمَ مِنَ النَّاسِ وَإِنِّي جَارٌ لَّكُمْ ۚ  
فَلَمَّا تَرَآتِ الْفِتْنَانَ نَكَصَ عَلَىٰ عَقْبَيْهِ وَقَالَ إِنِّي  
بَرِيءٌ مِّنْكُمْ إِنِّي أَرَىٰ مَا لَا تَرَوْنَ إِنِّي أَخَافُ  
اللَّهَ ۚ وَاللَّهُ شَدِيدُ الْعِقَابِ ﴿٤٨﴾
49. (Inget ba) idong tun-tun munafik mgem tun-tun da ade penyakit neak lem ateine miling : si-o (tun-tun ) mukmin ngike agamone (Allah madeak) : ape da tawakal ngen Allah mako sebeneane Allah Paling gahag kulo Paling Bijak sana.
- إِذْ يَقُولُ الْمُنَافِقُونَ وَالَّذِينَ فِي قُلُوبِهِم مَّرَضٌ  
غَرَّ هَهُؤُلَاءِ دِينُهُمْ ۗ وَمَنْ يَتَوَكَّلْ عَلَى اللَّهِ  
فَإِنَّ اللَّهَ عَزِيزٌ حَكِيمٌ ﴿٤٩﴾

50. *Dan* udi kemliak idong para malaikat cemabut nyabai tun-tun da kapea samo moko a muko ngen belakangne (ngen madeak) : keding ba gik udi sikso nrako da mbem, (paset ba udi meding asai n g e r i ) .

وَلَوْ تَرَىٰ إِذْ يَتَوَفَّى الَّذِينَ كَفَرُوا ۖ الْمَلَائِكَةُ يَضْرِبُونَ وُجُوهَهُمْ وَأَدْبَارَهُمْ وَذُوقُوا عَذَابَ الْحَرِيقِ ﴿٥٠﴾

51. Awei-o ba kerno uleak tangent-nu dewek. Sebeneane Allah agok debat coa menganiayo hamba-Ne.

ذَٰلِكَ بِمَا قَدَّمْت أَيْدِيكُمْ وَأَنَّ اللَّهَ لَيْسَ بِظَلْمٍ لِلْعَبِيدِ ﴿٥١﴾

52. (*Keadaan-si*) serai ngen keadaan fir'aun *dan* pengikut-pengikutne kulo tun-tun da ayok-ne. Si ikar ngen ayat-ayat Allah mako Allah semikso si kerno duso-dusone. Sebeneane Allah Paling Kuwet kulo kembang gis sikso-Ne.

كَذَّابٍ ءَالٍ فِرْعَوْنَ ۖ وَالَّذِينَ مِنْ قَبْلِهِمْ كَفَرُوا بِآيَاتِ اللَّهِ فَأَخَذَهُمُ اللَّهُ بِذُنُوبِهِمْ ۗ إِنَّ اللَّهَ قَوِيٌّ شَدِيدُ الْعِقَابِ ﴿٥٢﴾

53. Da awei-o (sikso)-o adeba kerno sebeneane Allah agok debat coakan mubeak suatu nikmat da sudo neleine ngen suatu kaum sapei kaum-o mubeak jano da ade neak diraine dewek, *dan* sebeneane Allah Paling Meni-uk kulo Paling Leiak Namen.

ذَٰلِكَ بِأَنَّ اللَّهَ لَمْ يَكُ مُغَيِّرًا نِعْمَةً أَنْعَمَهَا عَلَىٰ قَوْمٍ حَتَّىٰ يُغَيِّرُوا مَا بِأَنْفُسِهِمْ ۖ وَأَنَّ اللَّهَ سَمِيعٌ عَلِيمٌ ﴿٥٣﴾

54. (*Keadaan-si*) serai ngen *keadaan* firaun ngen pengikut-pengikutne kulo tun-tun da ayokne. Si ngike ayat-ayat tuhan-ne mako Keme mbinaso-si kero duso-dusone ngen Keme men(d)em fir'aun ngen pengikut-pengikut-ne; *dan* kutene-o ba tun-tun da zalim.

كَذَّابٍ ءَالٍ فِرْعَوْنَ ۖ وَالَّذِينَ مِنْ قَبْلِهِمْ كَذَّبُوا بِآيَاتِ رَبِّهِمْ فَأَهْلَكْنَاهُمْ بِذُنُوبِهِمْ وَأَغْرَقْنَا ءَالَ فِرْعَوْنَ ۖ وَكُلُّهُمْ كَانُوا ظَالِمِينَ ﴿٥٤﴾

55. Sebeneane bnatang (mahluk) da kembang kidek neak sisi Allah si-o ba tun-tun da kapea, kerno si-o coa beimen.

إِنَّ شَرَّ الدَّوَابِّ عِنْدَ اللَّهِ الَّذِينَ كَفَرُوا فَهُمْ لَا يُؤْمِنُونَ ﴿٥٥﴾

56. (Diyoba) tun-tun da udi sudo mok janjai kunei ne sudo-o si mukir janjai-ne tiep bejanjai ngen si coa saben (akibat-akibat - n e )
- الَّذِينَ عَاهَدْتُمْ مِّنْهُمْ ثُمَّ يَنْقُضُونَ عَهْدَهُمْ فِي كُلِّ مَرَّةٍ وَهُمْ لَا يَتَّقُونَ ﴿٥٦﴾
57. Amen udi temau ngen si lem peperangan mako sirokba tun-tun neak belakangne ngen (semrang)ne buliak si mok p e l a j a r a n .
- فَمَا تَتَّقِفُهُمْ فِي الْحَرْبِ فَشَرِدَ بِهِمْ مِّنْ خَلْفِهِمْ لَعَلَّهُمْ يَذَّكَّرُونَ ﴿٥٧﴾
58. Dan udi saben lok (tejjjai) khianat kune suatu klopok mako nelek ba janjai-o ngen si ngen ca-o da jujur. Sebeneane Allah coa senang ngen tun-tun da khianat.
- وَأَمَّا خِيفَةٌ مِّنْ قَوْمٍ خِيَانَةٌ فَانذِرْ إِلَيْهِمْ عَلَىٰ سَوَاءٍ ۚ إِنَّ اللَّهَ لَا يُحِبُّ الْخَائِبِينَ ﴿٥٨﴾
59. Dan jibeakba tun-tun da kapia-o kemiro, bahwa si lok dapet lolos (kunei kekuasaan Allah). Sebeneane si coa dapet melmuak (Allah).
- وَلَا تَحْسَبَنَّ الَّذِينَ كَفَرُوا سَبَقُوا ۚ إِنَّهُمْ لَا يُعْجِزُونَ ﴿٥٩﴾
60. Dan siap ba utuk madep si kekuatan jano bae da udi sang(g)up dan kune kudo-kudo da neket utuk perang ( ngen persiapan-o) udi semaben musuak Allah, musuak nu ngen tun-tun kutene da udi coa namen; sedang Allah namen ngen si jano bae da udi melei moi dalen Allah paset Allah lok males ngen sempurno ngen udi dan udi coa kan nrugai.
- وَأَعِدُّوا لَهُمْ مَا اسْتَطَعْتُمْ مِّنْ قُوَّةٍ وَمِنْ رِبَاطِ الْخَيْلِ تُرْهِبُونَ بِهِ عَدُوَّ اللَّهِ وَعَدُوَّكُمْ ۖ وَآخَرِينَ مِّنْ دُونِهِمْ لَا تَعْلَمُونَهُمُ اللَّهُ يَعْلَمُهُمْ ۗ وَمَا تُنْفِقُوا مِنْ شَيْءٍ فِي سَبِيلِ اللَّهِ يُوَفَّ إِلَيْكُمْ وَأَنْتُمْ لَا تظَلُمُونَ ﴿٦٠﴾
61. Dan amen si con(d)ong ngen perdamaian mako con(d)ong ba ngen si, dan bertawakal ba ngen Allah. Sebeneane Si-o bad a Paling Meni-uk kulo Paling lebiak N a m e n .
- وَإِنْ جَنَحُوا لِلسَّلَامِ فَاجْتَنِحْ لَهُا وَتَوَكَّلْ عَلَىٰ اللَّهِ ۚ إِنَّهُ هُوَ السَّمِيعُ الْعَلِيمُ ﴿٦١﴾
62. Dan amen si bemaksud lok ngike ko mako sebeneane cukup ba Allah ( ijai pelindung nu) Si-o bad a kemuwet ko ngen petulung-Ne dan ngen para mukmin.
- وَإِنْ يُرِيدُوا أَنْ يَخْدَعُوكَ فَإِنَّ حَسْبَكَ اللَّهُ ۚ هُوَ الَّذِي أَيَّدَكَ بِنَصْرِهِ ۖ وَبِالْمُؤْمِنِينَ ﴿٦٢﴾

63. *Dan* da mempersatukan ateine (tun-tun da beimen). Amen udi melajo kute (harto)da ade neak bumai, paset udi coa dapet mempersatukan atei-ne, tapi Allah sudo mempersatukan ateine. Sebenea-ne Allah Paling gagah kulo Paling Bijakasana.
- وَأَلْفَ بَيْنَ قُلُوبِهِمْ<sup>٦٣</sup> لَوْ أَنْفَقْتَ مَا فِي الْأَرْضِ  
جَمِيعًا مَا أَلْفَتْ بَيْنَ قُلُوبِهِمْ وَلَكِنَّ اللَّهَ أَلْفَ  
بَيْنَهُمْ<sup>٦٣</sup> إِنَّهُ عَزِيزٌ حَكِيمٌ ﴿٦٣﴾
64. Hoi nebai cukupba Allah (ijai pelindung) utuknu ngen utuk tun-tun mukmin da t e m o t o a - k o .
- يَتَأَيُّهَا النَّبِيُّ حَسْبُكَ اللَّهُ وَمَنِ اتَّبَعَكَ مِنَ  
الْمُؤْمِنِينَ ﴿٦٤﴾
65. Hoi nebai nelel ba semangat tun-tun mukmin-o utuk perang. Amen ade duai puluak tun da sabar neak antro udi, paset si dapet maleak dueai rotos tun susuak . *Dan* amen ade sotos tun (da sabar) neak antaronu, si dapet maleak seribau kunei tun-tun kapea, kerno tun-tun kapea-o kaum da coa namen.
- يَتَأَيُّهَا النَّبِيُّ حَرِّضِ الْمُؤْمِنِينَ عَلَى الْقِتَالِ إِنْ  
يَكُنْ مِنْكُمْ عَشْرُونَ صَابِرُونَ يَغْلِبُوا مِائَتِينَ وَإِنْ  
يَكُنْ مِنْكُمْ مِائَةٌ يَغْلِبُوا أَلْفًا مِنَ الَّذِينَ  
كَفَرُوا بِأَنَّهُمْ قَوْمٌ لَا يَفْقَهُونَ ﴿٦٥﴾
66. Uyo Allah bik melengan ngen ko *dan* Si bik namen bahwa ngen ko ade kelemahan, mako amen ade neak antaronu sotos tun da sabar, paset si dapet maleak duwai otos tun; *dan* amen neak antaronu ade seribau tun (da sabar) paset si dapet maleak duai ribau tun ngen seizin Allah, *dan* Allah berpok tun-tun da sabar.
- أَلَنْ خَفَفَ اللَّهُ عَنْكُمْ وَعَلِمَ أَنَّ فِيكُمْ ضَعْفًا  
فَإِنْ يَكُنْ مِنْكُمْ مِائَةٌ صَابِرَةٌ يَغْلِبُوا مِائَتِينَ  
وَإِنْ يَكُنْ مِنْكُمْ أَلْفٌ يَغْلِبُوا أَلْفِينَ بِإِذْنِ اللَّهِ  
وَاللَّهُ مَعَ الصَّابِرِينَ ﴿٦٦﴾
67. Coa patut utuk do nebai ade tenaen ayok si dapet melupuak musuakne neak muko bumei. Udi lok harto benda dunyone sedangkan Allah kemlok (pahala) akhirat (utuknu), *dan* Allah Paling Gagah kulo Paling Bijakasana.
- مَا كَانَ لِنَبِيِّ أَنْ يُكُونَ لَهُدَّ أَسْرَى حَتَّى  
يُشْخَبَ فِي الْأَرْضِ تُرِيدُونَ عَرَضَ الدُّنْيَا  
وَاللَّهُ يُرِيدُ الْآخِرَةَ وَاللَّهُ عَزِيزٌ حَكِيمٌ ﴿٦٧﴾
68. Amen sekirone coa ade tenten da bik deno kunei Allah paset udi tenipo sikso d alai kerno tebus da ko mok.
- لَوْلَا كِتَابٌ مِّنَ اللَّهِ سَبَقَ لَمَسَّكُمْ فِيمَا أَخَذْتُمْ  
عَذَابٌ عَظِيمٌ ﴿٦٨﴾

69. Mako kemuk ba kune pa-o rampasan perang da sudo udi mok-o sebagi upan da halal kulo baik, *dan* tawakalba ngen Allah, sebeneane Allah Paling Pengapun kulo Paling Penyayang.
- فَكُلُوا مِمَّا غَنِمْتُمْ حَلَالًا طَيِّبًا ۚ وَاتَّقُوا اللَّهَ ۚ  
 إِنَّ اللَّهَ غَفُورٌ رَحِيمٌ ﴿٦٦﴾
70. Hoi nebai, kadeak ba ngen tun-tun da tenaen neka tangent-nu: amen Allah namen ade kebaikan lem atei nu, paset Si lok melei ngen ko da lebiak baik kunei jano da sudo nemok knei-nu *dan* Si lok mapun udi. *Dan* Allah Paling Pangapun kulo Paling Penyayang.
- يَتَأْتِيهَا النَّبِيُّ قُلُوبًا لِّمَن فِي أَيْدِيكُمْ مِنَ الْأَسْرَىٰ  
 إِن يَعْلَمِ اللَّهُ فِي قُلُوبِكُمْ خَيْرًا يُؤْتِكُمْ خَيْرًا مِّمَّا  
 أَخَذَ مِنْكُمْ وَيَغْفِرَ لَكُمْ ۗ وَاللَّهُ غَفُورٌ رَحِيمٌ ﴿٦٧﴾
71. Amen si ( tun da tenaen-o) lok menghianat ngen ko, mako sebeneane si bik khianat ngen Allah ayok-yo lajau Allah menea (ko) bekuaso adep ne. *Dan* Allah Paling Lebiak Namen kulo Paling B i j a k s a n a .
- وَإِن يُرِيدُوا خِيَانَتَكَ فَقَدْ خَانُوا اللَّهَ مِنْ قَبْلُ  
 فَأَمْكَنَ مِنْهُمْ ۗ وَاللَّهُ عَلِيمٌ حَكِيمٌ ﴿٦٨﴾
72. Sebeneane tun-tun da beimen *dan* baliak (hijrah) kulo sung(g)uak-sung(g)uak (jihad) ngen harto ngen nyabaine neak dalen Allah *dan* tun-tun da melei plabai diem *dan* petulung ( ngen tun-tun muhajirin), si-o antaro si saling mlindung, *dan* (adep) tun-tun da beimen, tapi atei baliak (hijrah) mako coa ade kuwajiban agok didik utuk nu mlindung si, ayok si baliak (hijrah), tapi amen si minoi tulung ngen ko lem (urusan mbela) agamo, mako udi wajib melei petulung kecuali adep akum da sudo ade janjai antaro udi ngen si. *Dan* Allah Paling Kemliak jano d a u d i k e m r e j o .
- إِنَّ الَّذِينَ ءَامَنُوا وَهَاجَرُوا وَجَاهَدُوا بِأَمْوَالِهِمْ  
 وَأَنْفُسِهِمْ فِي سَبِيلِ اللَّهِ وَالَّذِينَ ءَاوَأُوا وَنَصَرُوا  
 أُولَٰئِكَ بَعْضُهُمْ أَوْلِيَاءُ بَعْضٍ ۗ وَالَّذِينَ ءَامَنُوا وَلَمْ  
 يُهَاجِرُوا مَا لَكُم مِّنْ وَلِيَّتِهِم مِّن شَيْءٍ حَتَّىٰ  
 يُهَاجِرُوا ۗ وَإِنِ اسْتَنْصَرُوكُمْ فِي الدِّينِ فَعَلَيْكُمْ  
 النَّصْرُ إِلَّا عَلَىٰ قَوْمٍ بَيْنَكُمْ وَبَيْنَهُم مِّيثَاقٌ ۗ وَاللَّهُ  
 بِمَا تَعْمَلُونَ بَصِيرٌ ﴿٦٩﴾

73. Tun-tun da kapea pa-o si ijai pelindung utuk pa-o da luyen. Amen udi (hoi tun muslimin) coa mlaksana jano da bik nriteak Allah-o, paset lok jijai kacau neak muko bumai ngen usak d alai.

وَالَّذِينَ كَفَرُوا بِعَصْمِ أَوْلِيَاءِ بَعْضٍ إِلَّا تَفْعَلُوهُ  
تَكُن فِتْنَةً فِي الْأَرْضِ وَفَسَادٌ كَبِيرٌ

74. *Dan* tun-tun da beimen *dan* baliak (hijrah) kulo berjuang neka dalen Allah, *dan* tun-tun da melei plabai diem *dan* nelel petulung (ngen tun-tun muhajirin), si-o bat un-tun da benea-benea beimen. Si dapet apun ngen rezklai (ni'mat) da baik.

وَالَّذِينَ ءَامَنُوا وَهَاجَرُوا وَجَاهَدُوا فِي سَبِيلِ  
اللَّهِ وَالَّذِينَ ءَاوَأُوا وَنَصَرُوا أُوَلِّيكَ هُمُ  
الْمُؤْمِنُونَ حَقًّا هُم مَّغْفِرَةٌ وَرِزْقٌ كَرِيمٌ

75. *Dan* tun-tun da beimen sudo-o, *dan* baliak (hijrah) dan bejuang besamo nu mako tun-tun-o termasuk klopok nu (kulo) tun-tun da ade hubungan krabat-o pa-one lebiak berhok adep sesamone (kunei pado da coa krabat) neak lem kiteb Allah. Sebeneane Allah Paling lebiak Namen neak kute-kutene.

وَالَّذِينَ ءَامَنُوا مِنْ بَعْدُ وَهَاجَرُوا وَجَاهَدُوا  
مَعَكُمْ فَأُوَلِّيكَ مِنْكُمْ وَأُوَلُّوا الْأَرْحَامِ بَعْضُهُمْ  
أَوْلَىٰ بِبَعْضٍ فِي كِتَابِ اللَّهِ إِنَّ اللَّهَ بِكُلِّ شَيْءٍ عَلِيمٌ

